



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

De sancto Isaacio monacho, & eius in Valentem vaticinio, & quòd fugiens  
Valens, ac in domuncula quadam delitescens, ibidem incendio extinctus  
animam efflavit. Capvt XL.

**urn:nbn:de:hbz:466:1-12718**

SOZOMENI HISTOR.

*Quòd Roma reuersus Petrus, Aegypti ec-  
clesias pulso Lucio obtinuit, & de Va-  
lenti contra Barbaros expe-  
ditione. CAP. XXXIX.*

**C**oncilii Nicæni fautores qui ciuitates incolebant, animis denuò confidere cœperunt, & maximè omnium Alexandrini, qui sunt in Aegypto. Nam Petro tum Roma cum literis Damasi, quæ & decreta concilij Nicæni, & Petri creationem confirmabant, reuerso, ecclesias tradiderunt. Lucius autem inde electus, Constantinopolim nauigauit. Valenti verò, vt est verisimile, cuius implicato vim in istos inferendi otium minimè suppetebat. Nam simul vt venit Constantinopolim, apud populum tum in suspicionem, tum in odium vocatus est. Si quidem Barbari & Thraciam populati, & vsq; ad suburbia progressi, iam ipsa vrbs mœnia, nemine prohibente, oppugnare aggressi sunt. Quibus de rebus ciues grauer animis commoti, imperatori, quòd non restitit hostibus, sed bellù gerere distulit, crimini dabant, dissipabátq; rumorem hostes ab illo ad vrbe deductos fuisse. Tandè verò, cum ludis Circensibus interesse videbát, palà contra eù, vt pote reip. salutè còrènentè, vociferari, & arma postulare cœperunt, vt illi ipsi cù hoste còlligere possent. Itaq; Valens his affectus còtumeliis, ad bellù cum Barbaris faciendù proficiscitur: minatur, si redeat, se populù tū harù contumeliarù causa, tum quòd antè Procopio tyranno se adiunxerant, probè vlturum.

*De sancto Isaacio monacho, & eius in Valentem vaticinio, & quòd fugiens Valens, ac in domuncula quadam delitescens, ibidem incendio extinctus animam efflauit.*

CAPVT XL.

**E**gredienti illi ex vrbe Constantinopoli obuiam fit Isaacius monachus, vir cum aliis in rebus spectatus, tum in periculis pro Deo contemnendis egregius, sicque eum affatur: redde, ò imperator, orthodoxis, qui fidè à còcilio Nicæno traditã seruãt, ecclesias, quæ illis abstu-  
leris,

leris, eris que in bello victor. Imperator autē ei vehemētē  
 stomachatus, iussit comprehendī, inque custodia teneri  
 vsque ad reditum, quō pœnas pro facinore admissio ab eo  
 sumeret. Cui respondens Isaicius, non es, inquit, reuersu-  
 rus, nisi ecclesias reddideris. Quod quidē ita euenit. Nam  
 ut primum cum exercitu egressus est, Gothi qui cum eo  
 erant ab hostibus in fugam conuersi, pedem retulerunt.  
 Ille autem abscedēs relicta Thracia, venit Adrianopolim.  
 Cum verò non longē abesset ab hostibus, qui in loco tu-  
 to castra posuerant, celerius aliquatò, quàm debuerat, præ-  
 lio cum illis congregitur, antè animo neutiq̃ complexus  
 vel quo modo, vel versus quam partem exercitum instru-  
 eret. Quare equitatu eius disperso, & armatis in fugam  
 coniectis, hostes eum persequuntur: ille inter fugiendum  
 de equo defiliens, cum paucis, qui eum comitabantur, in  
 quandam paruam domum vel turrim correpsit, ibique de-  
 lituit. Barbari autem currunt post eum, quò hominem cō-  
 prehendant: & paulò longius insequentes, domum, in qua  
 erat, prætergressi sunt. Nam haudquaquē suspicabantur.  
 eū ibi latitare. Iam verò cū maior pars Barbarorū eū locū  
 præterisset, & pauci iā à tergo reliqui essent, quidā eorū,  
 qui erant cum Valente, tela rursus in eos, qui fortè perti-  
 sibant coniciunt. Illi ea de re clamare: hic Valens est.  
 Quod cum illi, qui propius fortè aberant, audiissent, cla-  
 more cum antè, tum post, sublato, his, qui erant proximi,  
 rem significabant: adeò vt breui hostes, qui longius abes-  
 sent, audiuerint, in vnumque omnes celeriter cōuenerint.  
 Domo igitur circumfessa, & magna lignorum strue com-  
 portata, ignem iniciunt. Flamma autē secundo vento for-  
 tē delata, totam materiem peruasit, pariterque res in domo  
 repositæ flammam conceperunt, quæ & imperato-  
 rem ipsum, & eius comites incendio absum-  
 pserunt. Mortuus est igitur Valens circiter  
 quinquagesimum ætatis suæ annum, cū  
 iam tredecim annos vnà cum fra-  
 tre, tres autem postea impe-  
 rium administrasset.

SEXTI LIBRI FINIS.